

vi ne enlasu (lin); ~ ajn volas, tiu ankaŭ povas; ~ ajn tion diras, mi restas dubanta; de ~ ajn flanko la vento blovos, ni estos ŝirmataj; tiu homo, ~ ajn li estas, ne estas malsaĝulo; la spertaj esperantistoj skribas per stilo preskaŭ simila, al ~ ajn nacio ili apartenas Z; en ~ ajn loko li sin kaŝos, oni fine trovos lin; ~ ajn ajn argumentojn vi prezentos, vi ne konvinkos min; ~ ajn vi estas, vi devas obei la leĝon. 2 Donu al mi iun ajn libron; mi povos suprengrimpigi sen la helpo de iu ajn; li pli sincere funebriĝis ol iu ajn el la parencoj; la esperantaj ŝlosiloj donas la eblon al ĉiu homo de iu ajn nacio tuj kompreni la skribaĵon; mi ne permesos tion al iu (aŭ ĉiu) ajn; iu (aŭ ĉiu) ajn povos eniri, se vi lasos la pordon neŝlosita; vi scias pli bone ol iu (aŭ ĉiu) ajn, ke...; nian lingvon ĉiu povas libere uzi por iu (aŭ ĉiu) ajn celo.

klabo V. Tubera bastono, pli dika ĉe unu ekstremajo ol ĉe la alia, malnova kontuza armilo.

Klaĉi Z (ntr). Babili dissemante malicaĵojn: *~i kontraŭ iu; ŝi estas terure ~ema. ~o*. Dissciigita malbonvola diraĵo: *mi ne konfidas al la urbaj ~oj B*.

kladonio G. de likenoj, uzata en teraŭpiko: *la ~o estas la ĉefa manĝo de norda cervo (cladonia)*.

***Klafto**. Rusa mezurunuo de longeco (= 1 m. 95).

Klaki (ntr). Aŭdigi sekan mallongan sonon per rapida kruda movo de iu kontraŭ io: *~i per la manoj, per la fingroj Z, per la lango Z; ~as vipo, vangofrapo, dentoj, pordo, beko de cikonio, ekpafo, bato, pluvo (sur vitroj), moneroj (sur metal-plato); tondro~egoj. Kp KNARI, KRAKI, PLAĈDI, ŜMACI. ~leto*. Kastanĵeto. ~ĉapelo. Alta ĉapelo, povanta platiĝi, por ke oni ĝin portu sub la brako.

klano. 1 En la sovaĝaj societoj, grupo da individuoj, kiuj konsideras sin kiel parencoj unu al aliaj, sed kiuj rekonas ekskluzive tiun parencecon per tio, ke ili havas saman totemon. Kp TRIBO, GENTO. 2 Partietaco, intrigantaro. Kp KOTERIO, SEKTO, KAMARILLO.

klanguilo G. de migrantaj anasoj (clangula).

***Klapo**. 1 Diversforma kvazaŭporda ŝtopilo el ligno aŭ metalo, destinita por

enlasi (aŭ ellasi) fluaĵon aŭ gason. 2 Ĉiu el la moveblaj partoj de dupeca konko; valvo. 3 (f) Moderigilo: *mankas ~o en lia kapo Z* (li estas malsaĝa). ~ego. Movebla parto de pordo, pordoflugilo. *Sav~o. ~o*, kiu en kaldronego de vapormaŝino malfermiĝas per si mem sub forta premo, por lasi eligi parton de la vaporo, k malhelpi tiel eksplodon de la kaldronego: (f) *la vulkanaj estas la sav~oj de la tera globo*.

***Klara**. 1 Malkonfuza, pura; tra kiu oni povas distinge vidi: *~a akvo, rivero, vino, lumo; trankvilaj kaj ~aj okuloj; el ~a (sennuba) ĉielo tondro ekbatis Z. Kp HELA 1, DIAFANA, PRECIZA, NETA, KRISTALA. 2 (pp sono) Ne obtuza, maltraŭka; distingeble sonanta en la orelo: ~a voĉo. Kp HELA 3. 3 (f) Facile komprenebla; distingebla por la spirito: ~a stilo, spirito, esprimo, penso; ne tute ~aj instinktoj Z; ne~a demando; konserveu ~econ de la kapo Z; havi ~econ pri io Z. Kp EVIDENTA, PRECIZA. RIM.: **klara** ne povas kvalifiki personon. ~e. Distingebla: 1 por la okulo: tra maldensa pinaro, oni povis vidi tute ~e flavajn murojn. 2 por la orelo: ~e akcenti la vortojn Z; 3 por la spirito: ~e rememori ion Z; tiuj sentoj ne~e aperis en lia konscio B. ~igi. Igi ~a; malkonfuzi: 1 ~igi feĉan vinon; kun okuloj mal~igitaj de larmoj; 2 tusi por ~igi sian voĉon; 3 ~igi malfacilan tekston, enigmon, problemon, proponon; ĝis la afero ~iĝos Z (Kp KOMPRENIGI, KOMENTARII, EKSPLIKI, MALVOLVI). **Mal~a**. Konfuza por la okulo, orelo aŭ spirito: en akvo mal~a oni fiŝkaplas facile Z; mal~aj okuloj Z; mal~aj konturoj de montaro; mal~a ideo Z, rifuzo Z, esprimo; ties vizaĝon k vestojn mal~e lumigis la flamo; mal~igi rivereton Z; movmal~igi la akvon Z; mal~igi la prudenton de iu B (Kp NEBULA, NUBA, ENIGMA, SFINKSA, MISTERA, HIEROGLIFA, APOKALIPSA, KABALA).*

klarlono h. Latuna blovmuzikilo kun akuta sono, uzata ofte ĉe infanterio. ~a. Havanta sonon de ~o: ~a voĉo. ~i (ntr). 1 Produkti sonon per ~o. 2 Alvoki soldatojn signale per ~o: oni ~is la leviĝon, tagmezon, prepariĝon al formarŝo, amasiĝon, enkaserniĝon.

***Klarneto**. Muzika ligna blovinstrumento kun beko, langeto k klavoj.